



新編對照先師古學

王蘇西國藥賦

典文堂藏

服部文庫
117
85
/



臨淄段成式柯古撰

正續酉陽雜俎

廣文堂藏板

酉陽雜俎序

唐太常少卿段成式撰

夫易象一車之言近於恠也詩人南箕之奧近乎戲也固服縫掖者肆筆之餘及恠及戲無侵於儒無若詩書之味大羹史為

117 85 (1)

百陽雜志
江古陽
抗俎子為醞醢也炙鴉羞鼈豈
容下箸乎固役而不恥者抑志
惟小說之書也成式學落詞彙
未嘗覃息無崔駟真龍之歎有
孔璋畫虎之譏飽食之暇偶錄
記憶號酉陽雜俎凡三十篇為

二十卷不以此閒錄味也

酉陽雜俎目錄

卷之一

忠志

禮異

天咫

器奇

卷之二

五格

壺史

卷之三

貝編


卷之四

喜水

酉陽雜俎

目錄

及古圖



卷境異

喜兆

禍兆

卷之五

詭習

怪術

卷之六

藝絕

器奇

樂

器異

卷之七

酒食

醫

卷之八

黥鼻

雷

卷之九

卷事感四

鱗介類

卷之十

盜俠

卷物異

口食

卷之十一

卷廣知

卷廣知

卷之十二

語資

卷之十三

冥跡

尸穿

卷之十四

諾臯記上

盜火

卷之十五

諾臯記下

卷之十六

廣動植之一

羽篇

毛篇

卷之十七

廣動植之二

鱗介篇

蟲篇

卷之十八

廣動植之三

木篇

卷之十九

廣動植之四

草篇

卷之二十四

肉攫部

...

...


...

...

...

西陽雜俎目錄

西陽雜俎卷第一



唐臨淄段成式柯古撰

明古虞毛晉子晉訂

忠志

高祖少神勇隋末嘗以十二人破草賊號無端兒

數萬又龍門戰盡一房箭中八十人

太宗虬鬚嘗戲張弓挂矢好用四羽大箭長常箭

一膚射洞門闔上嘗觀漁於西宮見魚躍焉問

其故漁者曰此當乳也於是中綱而止

骨利幹國獻馬百疋十疋尤駿上為製名決波驗者近後足有距走歷門三限不曠上尤惜之

隋內庫有交臂玉猿二臂相貫如連環將表其轡

上後嘗騎與侍臣遊惡其飾以鞭擊碎之一曰文皇

御製十駿名

貞觀中忽有白鵲構巢於寢殿前槐樹上其巢合

歡如腰鼓左右拜舞稱賀上曰我嘗笑隋煬帝

好祥瑞瑞在得賢此何足賀乃命毀其巢鵲於

於野外

上嘗夢曰一作白鳥飛蝙蝠數十逐而墮地驚覺召

萬回僧曰大家即是上天時翌日而崩

睿宗嘗閱內庫見一鞭金色長四尺數節有蟲齧

處狀如盤龍靶上懸牙牌題象耳皮或言隋宮

庫舊物也上為冀王時寢齋壁上蝸跡成天字

上懼遽掃之經數日如初及即位雕玉鑄黃金

為蝸形分置於釋道像前

玄宗禁中嘗稱阿瞞亦稱鴉壽安公主曹野那姬

所生也以其九月而誕遂不出降常令衣道服

主香火小字蟲娘上呼爲師娘爲太上皇時代
一宗起居上曰汝在東宮甚有令名因指壽安蟲
娘爲鴉女汝後與一名號及代宗在靈武遂令
蘇澄尚之封壽安焉

天寶末交趾貢龍腦如蟬蠶形波斯言老龍腦樹
節方有禁中呼爲瑞龍腦上唯賜貴妃十枚香
氣徹十餘步上夏日嘗與親王碁令賀懷智獨
彈琵琶貴妃立於局前觀之上數子將輸貴妃
放康國獬子於坐側獬子乃上局局子亂上大

悅時風吹貴妃領巾於賀懷智巾上良久回身
方落賀懷智歸覺滿身香氣非常乃卸幘頭貯
於錦囊中及二皇復宮闕追思貴妃不已懷智
乃進所貯幘頭具奏它日事上皇發囊泣曰此
瑞龍腦香也

安祿山恩寵莫比錫賚無數其所賜品目有桑落
酒 關尾羊窟利 馬酪 音聲人兩部 野
豬鮮 鯽魚并鱸手刀子 清酒 大錦 蘇
造真符寶舉 餘甘煎 遼澤野雞 五木湯

金石凌湯一劑及藥童昔賢子就宅煎 蒸梨

金平脫犀頭匙箸 金銀平脫隔餛飩盤一

金花獅子瓶 平脫著足壘子 熟線綾接鞞

金大腦盤 銀平脫破觚 八角花烏屏風

銀鑿鏤鐵鎖 帖白一曰花檀香牀 綠白平

細背席 繡鵝毛氈兼令瑤令光就宅張設

金鸞紫羅緋羅立馬寶 雞袍 龍鬚夾帖

八斗金渡銀酒瓮銀瓶平脫掏魁織錦筐 銀

篋籬 銀平脫食臺盤 油画食藏 又貴妃

賜祿山金平脫裝具玉合 金平脫鐵面碗

肅宗將至靈武一驛黃昏有婦人長大攜雙鯉吃

於營門曰皇帝何在眾謂風狂遽白上潛視舉

止婦人言已止大樹下軍人有逼視見其臂上

有鱗俄天黑失所在及上即位歸京闕號州刺

史王奇光奏女媧墳云天寶十三載大雨晦冥

忽沉今月一日夜河上有人覺風雷聲曉見其

墳湧出上生雙柳樹高丈餘下有巨石兼画图

進上初克復使祝史就其所祭之至是而見眾

疑向婦人其神也

代宗卽位日慶雲見黃氣抱日初楚州獻定國寶

一十二乃詔上監國詔曰上天降寶獻自楚州

神明生曆數之符合璧定妖災之氣初楚州有

尼真如忽有人接去天上天帝言下方有災令

此寶鎮之其數十二楚州刺史崔侁表獻焉一

口玄黃形如笏長八寸有孔辟人間兵疫二曰

玉雞毛白玉也王者以孝理天下則見三曰

璧白玉也如粟粒無雕鏤之跡王者得之五

豐熟四曰西王母白環二枚所在處外國歸

五曰各六曰如意寶珠大如雞卵七曰紅靺

大如巨栗八曰琅玕珠二枚逾常珠有逾徑一

寸三分九曰玉玦形如玉環四分缺一十曰玉

印大如半手理如鹿形啗入印中十一曰皇后

採桑鈎細如箸屈其末十二曰雷公石斧形無

孔諸寶寘之日中皆白氣連天

禮異

西漢帝見丞相謁者贊曰皇帝爲丞相起御史大

夫見皇帝稱謹謝

漢木主纏以枯木皮置牖中張綿絮以障外不出

時玄堂之上以籠爲傭人無頭坐起如生時

凡節守國用玉節守都鄙用角節使山邦用虎節

土邦用人節澤邦用龍節門關用符節貨賄用

璽節道路用旌節古者安平用璧典事用圭成

功用璋邊戎用珩戰鬪用璩城圍用環災亂用

雋大旱用龍龍節也大喪用琮

北齊迎南使太學博士監舍迎使傳詔二人騎馬

荷信在前羊車二人捉刀在傳詔後監舍一人

典客令一人竝進賢冠生朱衣騎馬罩繖十餘

絳衫一人引從使車前又絳衫騎馬平巾幘六

人使主副各乘車但馬在車後鐵甲者百餘人

儀仗百餘人剪綵如衣帶白羽間爲稍聳髮絳

袍帽凡五色袍隨聳色以木爲稍刃戟畫絳爲

蝦蟆幡

梁正旦使北使乘車至闕下入端門其門上層題

曰朱明觀次曰應門門下有一大畫鼓次曰大

陽門左有高樓懸一大鐘門右有朝堂門闕左
右亦有二大畫鼓北使入門擊鐘磬至馬道北
懸鐘內道西北立引其宣城王等數人後入擊
磬道東北而立其鐘懸外東西廂皆有陛臣馬
道南近道東有茹崑崙客道西近道有高句麗
百濟客及其升殿之官三千許人位定梁主從
東堂中出云齋在外宿故不由上閣來擊鐘鼓
乘輿警蹕侍從升東階南面幄內坐幄是綠油
天皂裙甚高用繩係著四柱懸黑漆曲几坐

梁諸臣從西門入著具服博山遠遊冠纓末以
翠羽真珠爲飾雙雙佩帶劔黑日初入二人在
前導引次二人並行次一人擎牙箱班劔箱別
二十人具省服從者百餘人至宣城王前數步
北面有重席爲位再拜便次出引王公登獻玉
梁主不爲興魏使李同軌陸操聘梁入樂遊苑
西門內青油幕下梁主備三仗乘輿從南門入
操等東面再拜梁主北入林光殿未幾引臺使
入梁主坐皂帳南面諸賓及群官俱坐定遣書

舍人殷靈宣旨慰勞具有辭答其中庭設鐘懸
及百戲殿上流杯池中行酒具進梁主者題曰
御杯自餘各題官姓之杯至前者卽飲又圖象
舊事令隨流而轉始至訖於坐罷首尾不絕也
梁主常遣傳詔童賜群臣歲旦酒辟惡散却鬼丸

三種

北朝婚禮青布幔爲屋在門內外謂之青廬於此
交拜迎婦夫家領百餘人或十數人隨其奢儉
挾車俱呼新婦子催出來至新婦登車乃止畢

拜閣日婦家親賓婦女畢集各以杖打葷爲

樂至有大委頓者

葷說文云
卽墜字

律有甲娶乙丙其戲甲旁有櫃比之爲獄舉置櫃
中復之甲因氣絕論當鬼薪

近代婚禮當迎婦以粟三升填白席一枚以覆井
桌三斤以塞牕箭三隻置戶上婦上車聳騎而
環車三匝女嫁之明日其家作黍臠女將上車
以蔽膝覆面婦入門舅姑以下悉從便門出更
從門入言當躡新婦迹又婦入門先拜豬穢及

竈娶夫婦併拜或共結鏡紐又娶婦之家弄
新婦臘月娶婦不見姑

婚禮納采有合驩嘉禾阿膠九子蒲朱葦

雙石綿絮長命縷乾漆九事皆有詞

膠漆取其固綿絮取其調柔蒲葦為心可屈可
伸也嘉禾分福也雙石義在兩固也

北朝婦人常以冬至日進履襪及鞞正月進箕帚
長生花立春進春書以青繪為鞞刻龍像銜之
或為蝦蟇五月進五時圖五時花施帳之上是

日又進長命縷宛轉繩皆結為人像帶之夏至
日進扇及粉脂囊皆有辭

秦漢以來於天子言陛下於皇太子言殿下將言
麾下使者言節下轂下二千石長史言閣下父
母言膝下通類相言於足下

天咫

舊言月中有桂有蟾蜍故異書言月桂高五百丈
下有一人常斫之樹剝隨合人姓吳名剛西河
人學仙有過謫令伐樹釋氏書言須彌山南面

有閭扶樹月過樹影入月中或言月中蟾桂地影也空處水影也此語差近

僧一行博覽無不知尤善於數鈞深藏往當時學者莫能測幼時家貧隣有王姥前後濟之數十萬及一行開元中承上敬遇言無不可常恩報之尋王姥兒犯殺人罪獄未具姥訪一行求救一行曰姥要金帛當十倍酬也明君執法難以請一曰求如何王姥戟手大罵曰何用識此僧一行從而謝之終不顧一行心計渾天寺

役數百乃命空其室內徙大瓮於中又密住奴二人授以布囊謂曰某坊某角有廢園沙向中潛伺從午至昏當有物入來其數七可盡掩之失一則杖汝奴如言而往至酉後果有群豕至奴悉獲而歸一行大喜令寘瓮中覆以木蓋封於六一泥朱題梵字數寸其徒莫測詰朝中使叩門急召至便殿玄宗迎問曰太史奏昨夜北斗不見是何祥也師有以禳之乎一行曰後魏時失熒惑至今帝車不見古所無者天將

大警於陛下也夫匹婦匹夫不得其所則隕霜
赤旱盛德新感乃能退舍感之切者其在葬枯
出係乎釋門以曠心壞一切善慈心降一切魔
如臣曲見莫若大赦天下玄宗從之又其夕太
史奏北斗一星見凡七日而復成式以此事頗
怪然大傳眾口不得不著之

永真年東市百姓王布知書藏鏹千萬商旅多賓
之有女年十四五艷麗聰晤鼻兩孔各垂息肉
如皂莢子其根如麻線長寸許觸之痛入心

其父破錢數百萬治之不差忽一日有梵僧乞
食因問布知君女有異疾可一見吾能止之布
被問大喜卽見其女僧乃取藥色正白吹其鼻
中少頃摘去之出少黃水都無所苦布賞之白
金梵僧曰吾修道之人不受厚施唯乞此息肉
遂珍重而去行疾如飛布亦意其賢聖也計僧
去五六坊復有一少年美如冠玉騎白馬遂扣
門曰適有胡僧到無布遽延入具述胡僧事其
人吁嗟不悅曰馬小跪足竟後此僧布驚異詰

其故曰上帝失樂神二人近知藏於君女鼻中我天人也奉帝命來取不意此僧先取之吾當獲譴矣布方作禮舉首而失

長慶中有人翫八月十五夜月光屬于林中如疋布其人尋覓之見一金背蝦蟇疑是月中者工部員外郎周封嘗說此事忘人姓名

大和中鄭仁本表弟不記姓名常與一王秀才遊嵩山捫蘿越澗境極幽夔遂迷歸路將暮不知所之徙倚間忽覺叢中鼾睡聲披榛窺之見

人布衣甚潔白枕一襪物方眠熟卽呼之曰某偶入此徑迷路君知向官道否其人舉首略視不應復寢又再三呼之乃起坐顧曰來此二人因就之且問其所自其人笑言一曰曰君知月乃七寶合成乎月勢如丸其影日燦其凸處也常有八萬二千戶修之予卽一數因開襪有斤鏿數事玉屑飯兩裹授與二人曰分食此雖不足長生可一生無疾耳乃起二人指一支徑但由此自合官道矣言已不見

去萬萬九千里 名山三百六十福地七十二
 崑崙為天地之齊 又九地四十六土八酒仙
 宮言冥謫陰者之所 有羅酆山在北方癸地
 周迴三萬里高二千六百里 洞天六宮周一
 萬里高二千六百里洞天六宮是為六天鬼神
 之宮 六天一曰紂絕陰天宮二曰泰煞諒事
 宮三曰明辰耐犯宮四曰怙照罪氣宮五曰宗
 靈七非宮六曰敢司連苑 一曰 宮人死皆至其
 中人欲常念六天宮 玉洞之小天三陰所治

也 又耐犯宮主生紂絕天主死 禍福續命
 由怙照第四天鬼宮北斗君所治即七辰北斗
 之考官也項梁城酆都宮頌曰紂絕標帝晨諒
 事構重阿炎如霄漢煙勃 景耀華武陽帶神
 鋒怙照吞清河開闔臨丹井雲門鬱差我七非
 通奇靈連苑亦敷魔六天橫北道此是鬼神家
 凡有二萬言此唯天宮名耳夜中微讀之辟鬼
 魅

酆都稻名重思其米如石榴子粒稍大味如菱桂

瓊作重思賦曰霏霏春暮翠矣重思雲氣交被
嘉穀應時

夏啓爲東明公文王爲西明公邵公爲南明公季
札爲北明公四時主四方鬼至忠至孝之人命
終皆爲地下主者一百四十年乃授下仙之教
授以大道有上聖之德命終受三官書爲地下
主者一千年乃轉三官之五帝復一千四百年
方得遊行太清爲九宮之中仙又有爲善爽鬼
者三官清鬼者或先世有功在三官流逮後嗣

易世練化改世更生此七世陰德根葉相及也
命終當道遺脚一骨以歸三官餘骨隨身而遷
男左女右皆受書爲地下主者二百八十年乃
得進處地仙之道矣

天帝甲爲北太帝君主天下鬼神三元品式明真
科九幽章皆律也連苑曲泉泰煞九幽雲夜九
都三靈萬掠四極九科皆治所也三十六獄流
沙赤等號溟濔獄北嶽獄也又二十四獄有九
平元正女青河北等號人犯五千惡爲五獄鬼

六千惡為二十八獄獄囚萬惡乃墮薛荔也

罪簿有黑綠白簿赤丹編簡刑有糖蒙山石副太

山糖夜山石 寒河源及西津水冥 東海風

刀 電一日雷 風 積夜河

冠官有七十五品仙位有九太帝二十七天君一

千二百仙官二萬四千靈司三十二司命三品

九品七城一日地九階二十七位七十二萬之

次第也

老君西越流沙歷八十一國為弋身毒為浮屠

被三千國有九萬品戒經漢所獲大月支復

經是也孔子為元宮仙佛為三十三天仙延賓

官主所為道在竺乾有古先生善入無為

釋老志亦曰佛於西域得道陶勝力言小方諸國

多奉佛不死服五笙精讀夏歸藏用之以飛行

也 藏經菩薩戒也

方諸山在乙地

太極真仙中莊周為闡編郎八十一戒千二百善

入洞天二百三十戒二千善登山靈官萬善

升玉清白誌見腹名在璫簡者目有綠筋名在
 金赤書者陰有伏骨名在琳札青書者胸有偃
 骨名在星書者眼四規名在方諸者掌理迴菌
 名在綠籍者有前相皆上仙也可不學其道自
 至其次鼻有玄山腹有玄丘亦仙相也或口氣
 不潔性耐穢則壞玄丘之相矣

五藏九宮十二室四支五體三焦九竅百八十機
 關三百六十骨節三萬六千神隨其所而居之
 魂以精為根魄以目為戶三魂可拘七魄可制

庚申曰伏尸言人過本命日天曹計人行三尸
 一日三朝上尸青姑伐人眼中尸白姑伐人五
 藏下尸血姑伐人胃命亦曰玄靈又曰一居人
 頭中令人多思欲好車馬其色黑一居人腹令
 人好食飲恚怒其色青一居人足令人好色喜
 煞七守庚申三尸滅三守庚申三尸伏

仙藥

- 鍾山白膠
- 闍風石腦
- 黑河蔡瑚
- 太微紫麻
- 太極井泉
- 夜津日草

青津碧荻 圓丘紫柰 白水靈蛤

八天赤薤 高丘餘糧 滄浪青錢

三十六芝 龍胎醴 九鼎魚

火棗交梨 鳳林鳴醅 中央紫蜜

崩岳電柳 玄郭綺葱 夜牛伏骨

神吾黃藻 炎山夜日 玄霜絳雪

環剛樹子 赤樹白子 徊水玉精

白琅霜 紫醬一日 月醴

虹丹 鴻丹

藥草異號

丹山魂 雄黃 青要女 空青 靈華汎

薰陸香 北帝玄珠 消石 東華童子

青木香 五精金 陽起石 流丹白膏

粉 亭貝 獨生 雞舌香 倒行神骨 戎鹽

白虎脫齒 金牙石 靈黃 石硫黃 陸處

遺生 龍骨 章陽羽玄 白附子 綠伏

母慈石 絳晨伏胎 茯苓七靈 伏龍

蘇牙樹 蔬薤白華 一名守宅 一名家芝

二十四名

圖籍有符圖七千章

雌一玉檢也 四規明鏡 白五柱中經

飛龜帙也 金飛黃子經黃 鹿盧蹻經也

含景圖也 臥引圖也 園芝圖也

木芝圖也 大隗新芝圖 牽牛經也

玉案記也 玉珍記也 臙成記也

丹臺經一曰 日月厨食經 金樓經也

三十六水經 中黃丈人經 協龍子鹿臺經

玉胎經 官氏經 鳳綱經

六陰玉女經 白虎七變經 九仙經

十上化經 滕中有首攝提經

三綱六紀經 白子變化經 隱首經

入軍經 泉樞經 赤甲經

金剛八疊錄一曰

老君母曰玄妙玉女天降玄黃氣如彈丸入口而
孕凝神瓊胎宮三千七百年赤明開運歲在甲
子誕於扶刀蓋天百那王國鬱寥山丹玄之阿

又曰老君在胎八十一年剖左掖而生生而白
首又曰青帝劫末元氣改運託形於洪氏之胞
又曰李母本元君也日精入口吞而有孕三色
氣繞身五行獸衛形如此七十二年而生陳寔
苦縣賴鄉渦水之陽九井西李下具三十六龔
七十二名又有九名又千二百老君又曰九大
上皇洞真第一君大千法王九靈老子太上真
人天老玄中法師上清太極真人上景君等號
形長九尺或曰二丈九尺耳三門又耳附連鬢
又耳無輪郭眉如北斗色綠中有紫毛長五寸
目方瞳綠筋貫之有紫光鼻雙柱口方齒數不
八頤若方丘頰如橫壠龍顏金容額三理腹三
誌頂三約把十蹈五身綠毛白血頂有紫氣
人死形如生足皮不青惡目光不毀頭髮盡脫皆
尸解也白曰去曰上解夜半去曰下解向曉向
暮謂之地下主者太一守尸三魂營骨七魄衛
肉胎靈錄氣所謂太陰練形也趙成子後五六
年肉朽骨在液血於內紫色發外又曰若人誓

死適太陰權過三官血沉脉散而五藏自生白骨如玉三光惟息太神內閉或三年至三十年又曰白口尸解自是仙非尸解也鹿皮公吞玉華而流蟲出尸王西城漱龍胎而死訣飲瓊精而扣棺仇季子咽金液而晁徹百里季主服霜散以潛升而頭足異處黑狄咽虹丹而投水甯生服石腦而赴火栢成納氣而胃腸三腐句曲山五芝求之者投金環二雙於石間勿顧念必得矣第一芝名龍仙食之為太極仙第二芝

名叅成食之為太極太夫第三芝名燕胎食之為正一郎中第四芝名夜光洞鼻食之為太極左御史第五芝名料玉食之為三官真御史真人用寶劍以尸解者蟬化之上品也銀用七庚申八月辛酉日長三尺九寸廣一寸四分三分半杪九寸名子千字良非青烏公入華四百七十一歲十二試三不過後服金沟而大極以為試三不過但仙人而已不得真人位有傳先生入然山七年老君與之木鑽使穿

盤石石厚五尺曰此石穴當得道積四十七年
石穿得神丹

范零子隨司馬季主入常山石室石室東北角有
石匱季主戒勿開零子思歸發之見其家父母
大小近而不遠乃悲思季主遂逐之經數載復
令守一銅匱又違戒所見如前竟不得道

衛國縣西南有瓜穴冬夏常出水望之如練時有
瓜葉出焉相傳符秦時有李班者頗好道術入
穴中行可三百步廓然有宮宇牀榻上有經書
見二人對坐鬚髮皓白班前拜於牀下一人顧
曰卿可還無宜久住班辭出至穴口有瓜數箇
欲取乃化爲石尋故道得還至家家人云班去
來已經四十年矣

長白山相傳古肅然山也峴南有鐘鳴燕世桑門
釋惠霄者自廣固至此峴聽鐘聲稍前忽見一
寺門宇炳煥遂求中食見一沙彌乃摘一桃與
霄須臾又與一桃語霄曰至此已淹留可去矣
霄出迴頭顧失寺至廣固見弟子言失和尚

二年矣霄始知二桃兆二年矣

高唐縣鳴石山岩高百餘仞人以物扣巖聲甚
 越晉太康中逸士田宣隱於巖下葉風霜月
 拊石自娛每見一人着白單衣徘徊巖上及
 方去宣於後令人擊石乃於巖上潛伺俄然
 來因遽執袂詰之自言姓王字中倫衛人周
 王時入少室山學道比頻適方壺去來經此
 此石響故輒留聽宣乃求其養生唯留一石
 雀卵初則凌空百餘步猶見漸漸烟霧障之
 得石舍輒百日不饑

荆州利水間有二石若闕名曰韶石晉永和有
 飛仙衣冠如雪各憇一石旬日而去人咸見之
 負丘西有玉女山傳云晉大始中北海蓬球字伯
 堅入山伐木忽覺異香遂遡風尋之至此山廓
 然宮殿盤鬱樓臺博敞球入門窺之見五株玉
 樹復稍前有四婦人端妙絕世自彈碁於堂上
 見球俱驚起謂球曰蓬君何故得來球曰尋香
 而至遂復還戲一小者便上樓彈琴留戲者呼

之曰元暉何謂獨升樓球樹下立覺少饑乃以
舌舐葉上垂露俄然有一女乘鶴而至逆志曰
玉華汝等何故有此俗人王母即令王方平行
諸仙室球懼而出門迴顧忽然不見至家乃是
建平中其舊居閣舍皆為墟墓矣

管許旌陽吳猛弟子也當時江東多蛇禍猛將除
之選徒百餘人至高安令具炭百斤乃度尺而
斷之真諸壇上一夕悉化為玉女惑其徒至曉
吳猛悉命弟子無不涅其衣者唯許君獨無乃
與許至遠江及遇巨蛇吳年衰力不能制許遂
禹步勅劍登其首斬之

孫思邈嘗隱終南山與宣律和尚相接每來往互
參宗旨時太旱西域僧請於昆明池結壇祈雨
詔有司備香燈凡七日縮水數尺忽有老人夜
詣宣律和尚求救曰弟子昆明池龍也無雨久
匪由弟子胡僧利弟子腦將為藥欺天子言
雨命在旦夕乞和尚法力加護宣公辯曰貧道
持律而已可求孫先生老人因至思邈石室求

救孫謂曰我知昆明龍宮有仙方三千首爾傳與予予將救汝老人曰此方上帝不許妄傳今急矣固無所恡有頃捧方而至孫曰爾第還無慮胡僧也自是池水忽漲數日溢岸胡僧羞恚而死孫復著千金方三千卷每卷入一方人不得曉及卒後時有人見之玄宗幸蜀夢思邈乞武都雄黃乃命中使齋十斤送於峨眉頂上中使上山未半見一人幅巾被褐鬚鬢皓白二童青衣丸髻夾侍立屏風側手指大盤石曰可啟藥於此上有表錄上皇帝使視石上朱書百餘字遂錄之隨寫隨滅寫畢上無復字矣須臾白氣漫起因忽不見

同州司馬裴沆常說再從伯自洛中將往鄭州在路數日晚程偶下馬覺道左有人呻吟聲因披蒿菜尋之荆叢下見一病鶴垂翼俛喙翅關上瘡壞無毛且異其聲忽有老人白衣曳杖數十步而至謂曰郎君年少豈解哀此鶴耶若得人血一塗則能飛矣裴頗知道性甚高逸遽曰某

請刺此臂血不難老人曰君此志甚勁一日然
須三世是人其血方中郎君前生非人唯洛中
葫蘆生三世是人矣郎君此行非有急切可能
卻至洛中干葫蘆生乎裴欣然而返未信宿至
洛乃訪葫蘆生具陳其事且拜祈之葫蘆生初
無難色開襖取一石合大若兩指撥針刺臂滴
血下滿其合授裴曰無多言也及至鶴處老人
已至喜曰固是信士及令盡其血塗鶴言與之
結緣復邀裴曰我所居去此不遠可少留也裴
覺非常人以丈人呼之因隨行纔數里至一
竹落草舍庭廡狼籍裴渴甚求茗老人指一
龕此中有少漿可就取裴視龕中有一杏核一
扇如笠滿中有漿漿色正白乃力舉飲之不復
饑渴漿味如杏酪裴知隱者拜請爲奴僕老人
曰君有世間微祿縱佳亦不終其志賢叔真有
所得吾久與之遊君自不知今有一信憑君必
達因果一襍物大如羹椀戒無竊開復引裴視
鶴鶴所損處毛已生矣又謂裴曰君向飲杏漿

當哭九族親情且以酒色爲誠也裴還洛中路
悶其附信將發之襪四角各有赤地出頭裴乃
止其叔得信卽開之有物如乾大麥飯升餘其
叔後因遊王屋不知其終裴壽至九十七矣
明經趙業貞元中選授巴州清化縣令失志成疾
惡明不飲食四十餘日忽覺室中雷鳴頃有赤
氣如鼓輪轉至牀騰上當心而住初覺精神遊
散如夢中有朱衣平幘者引之東行出山斷處
有水東西流人甚衆久立視又之東行一橋飾
以金碧過橋北入一城至曹司中人吏甚衆見
妹聳賈奕與乚爭煞牛事疑是冥司遽逃避至
一壁間牆如黑石高數丈聽有呵喝聲朱衣者
遂領入大院吏通曰司命過人復見賈奕因與
辯對奕固執之無以自明忽有巨鏡徑丈虛懸
空中仰視之宛見賈奕鼓刀趨負門有不忍之
色奕始伏罪朱衣人又引至司人院一人被褐
帔紫霞冠狀如尊像責曰何故竊撥幘頭二事
在滑州市隱椽子三升因拜之無數朱衣者復

引出謂曰能遊上清乎乃共登一山下臨流水其水懸注騰沫人隨流而入者千萬不覺身亦隨流良久住大石上有青白暈道朱衣者變成兩人一道之一促之乃升石崖上立坦然無塵行數里旁有草如紅藍莖葉密無刺其花拂拂然飛散空中又有草如苣附地亦飛花初出如馬勃破大如疊赤黃色過此見火如山橫巨天候燄絕乃前至大城城上重簾街列菓樹仙子爲伍迭謠鼓樂仙姿絕世凡歷三重門丹腹交

煥其地及壁澄光可鑑上不見天若有絳暈都覆之正殿三重悉列尊像見道士一人如舊相識趙求爲弟子不許諸樂中如琴者長四尺九絃近頭尺餘方廣中有兩道橫以變聲又如一酒榼三絃長三尺腹面上廣下狹背豐隆項有過錄乃引出闕南一院中有絳冠紫霞帔命與二朱衣人坐廳事乃命先過戊申錄錄如人問詞狀首冠人生辰次言姓名年紀下注生月日別行橫布六旬甲子所有公過日下具之如無

卽書無事趙自規其錄姓名生辰日月一無差錯也過錄者數盈億兆朱衣人言每六十年天下人一過錄以考按善惡增損其筭也朱衣者引出北門至向路執手別曰遊此是子之魂也可尋此行勿返顧當達家矣依其言行稍急蹶倒如夢覺死已七日矣趙著魂遊上清記敘事甚詳悉

史論在齊州時出獵至一縣界憇蘭若中覺桃香異常訪其僧僧不及隱言近有人施二桃因從經案下取出獻論大如飯碗時饑盡食之核大如雞卵論因詰其所自僧笑向實謬言之此桃去此十餘里道路危險貧道偶行脚見之覺異因撥數枚論曰今去騎從與和尚偕往僧不得已導論北去荒榛中經五里許抵一水僧曰恐中丞不能渡此論志決往乃依僧解衣戴之而浮登岸又經西北涉二小水上山越澗數里至一處布泉怪石非人境也有桃數百株幹掃地高二三尺其香破鼻論與僧各食一葉腹果然

矣論解衣將盡力菴之僧曰此或靈境不可多
取貧道嘗聽長老說昔日有人亦嘗至此懷五
六枚迷不得出論亦疑僧非常取兩箇而返僧
切戒論不得言論至州使招僧僧已逝矣

壺史

武攸緒天后從子年十四潛於長安市中賣卜一
處不過五六日因徙升中岳遂隱居服赤箭伏
苓貴人王公所遺鹿裘籐器上積塵蘿弃而不
用晚年肌肉始盡目有紫光晝見星月又能辨
數里外語安樂公主出降上遣璽書召令勉受
國命蹙屈高標至京親貴候謁寒溫之外不交
一言封國公及還山勅學士賦詩送之
玄宗學隱形於羅公遠或衣帶或巾脚不能隱上
詰之公遠極言曰陛下未能脫屣天下而以道
爲戲若盡臣術必懷璽入人家將困於魚服也
玄宗怒慢罵之公遠遂走入殿柱中極疏上失
上愈怒令易柱破之復大言於石碣中乃易碣
觀之碣明瑩見公遠形在其中長寸餘因碎爲

十數段悉有公遠形上懼謝焉忽不復見後中使於蜀道見之公遠笑曰爲我謝陛下

邢和璞偏得黃老之道善心筭作穎陽書疏有叩奇旋入空或言有草初未嘗觀成式見山人鄭昉說崔司馬者寄居荊州與邢有舊崔病積年且死心常恃於邢崔一日覺臥室北牆有人斲聲命左右視之都無所見臥室之北家人所居也如此七日斲不已牆忽透明如一粟問左右復不見經一日穴大如盤崔窺之牆外乃野外

耳有數人荷鋤鑿立於穴前

一曰側

崔問之皆云

邢真人處分開此司馬厄重倍費功力有頃導騶五六悉平幘朱衣辟曰真人至見邢輿中白幘垂綬執五明扇侍衛數十去穴數步而止謂崔曰公筭盡僕爲公再三論得延一紀自此無若也言畢壁如舊旬日病愈又曾居終南好道者多卜築依之崔曙年少亦隨焉伐薪汲泉皆是名士邢嘗謂其徒曰三五日有一異客君等可爲予辦一味也數日備諸水陸遂張筵於一

亭戒無妄窺衆皆閉戶不敢警歎邢下山延一客長五尺闊三尺首居其半緋衣寬博橫執象笏其睫疎揮色若削瓜鼓髯大笑吻角侵耳與邢劇談多非人間事故也崔曙不耐因走而過庭客熟視顧邢曰此非泰山老師乎邢應曰是客復曰更一轉則失之千里可惜及幕而去邢命崔曙謂曰向客上帝戲臣也言太山老君師頗記無崔垂泣言某實太山老師後身不復憶幼常聽先人言之房瑄太尉祈邢等終身之事

邢言若來由東南止西北祿命卒矣降魄之處非館非寺非途非署病起於魚鱗休村龜茲板後房自袁州除漢州及罷歸至閩州舍紫極宮適雇工治木房怪其木理成形問之道士稱數月前有賈客施數段龜茲板今治爲屠蘇也房始憶邢之言有頃刺史具鱸邀房歎曰邢君神人也乃具白於刺史且以龜茲板爲托其多病鱸而終

王皎

一日

先生善他術於數未嘗言天寶中偶與

王客夜中靈坐指星月曰時將亂矣爲鄰人所傳時上春秋高頗拘忌其語爲人所奏上令密詔殺之刑者鑿其頭數十方死因破其腦視之腦骨厚一寸八分皎先與達奚侍郎還往及安史平皎忽杖屨至達奚家方知異人也

翟天師名乾祐峽中人長六尺手大尺餘每揖人手過胸前臥常虛枕晚年往往言將來事常入夔州市大言曰今夕當有八人過此可善待之人不之悟其夜火焚數百家八人乃火字也每入山虎群隨之曾於江岸與弟子數十翫月或曰此中竟何有翟笑曰可隨吾指觀弟子中兩人見月規半天樓殿金闕滿焉數息間不復見蜀有道士陽狂俗號爲灰袋翟天師晚年弟子也翟每戒其徒勿欺此人吾所不及之常大雪中衣布褐入青城山暮投蘭若求僧寄宿僧曰貧僧一衲而已天寒如此恐不能相活但言容一牀足矣至夜半雪深風起僧慮道者已死就視之去牀數尺氣蒸如炊流汗袒寢僧知其異人

未明不辭而去多住村落每住不逾信宿曾病口瘡不食數月狀若將死人素神之因爲設道場齋散忽起就謂衆人曰試窺吾口中有何物也乃張口如箕五臟悉露同類驚異作禮問之唯曰此足惡此足惡後不知所終成式見蜀郡郭采真尊師說也

秀才權同休友人元和中落第旅遊蘇湖間遇疾貧窘走使者本村墜人僱已一年矣疾中思甘豆湯令其示甘草僱者久而不去但其火湯水一秀才且意其怠於祇承復見折樹枝盈握仍再三搓之微近火上忽成甘草秀才心大異之且意必有道者良久取瓮沙數掬按按已成豆矣及湯成與甘豆無異疾亦漸差秀才謂曰余貧迫若此無以寸步因褫垢衣授之可以此辦少酒肉予將會村老丐少道路資也僱者微笑此固不足辦某當營之乃斫一枯桑樹成數筐札聚於盤上喫之悉成牛肉復汲數瓶水頃之乃旨酒也村老皆醉飽獲束縑三千秀才方慙謝

僱者曰某本驕雅不識道者今返請爲僕僱者曰予固異人有少失謫于下賤合役于秀才若限未足一復須力於它人請秀才勿變常庶卒某事也秀才雖諾之每呼指色上面感感不安僱者乃辭曰秀才若此果妨某事也因說秀才脩短窮達之數且言萬物無不可化者唯淤泥中朱漆筋及髮藥力不能化因去不知所之也

寶曆中荊州有盧山人常販橈朴石灰往來於白南草市時時微露奇跡人不之測賈人趙元

卿好事將從之遊乃頻市其所貨設菓茗詐訪其息利之術盧覺竟謂曰觀子意似不在所市意有何也趙乃言竊知長者埋形隱德河過著龜願垂一言盧笑曰今且驗若止人午時有非常之禍也若是吾言當免若可告之將午當有匠餅者負囊而至囊中有錢二千餘而必非意相干也可閉關戒妻孥勿輕應對及午必極罵須盡家臨水避之若爾徒費三千四百錢也時趙停於百姓張家卽遽歸語之張亦素神盧生

乃閉門伺也欲午果有人狀如盧所言叩門求
糴怒其不應因足其戶張重篲捍之頃聚人數
百張乃自後門率妻孥迴避差午其人乃去行
數百步忽蹶倒而死其妻至衆人具告其所爲
妻痛切乃號適張所誣其夫死有自官不能評
衆具言張閉戶逃避之狀識者謂張曰汝固無
罪可爲辦其死張欣然從斷其妻亦喜及市糶
就輦正當三千四百文因是人赴之如市盧不
可竟潛逝至復州界維舟於陸奇秀才庄門或
語陸盧山人非常人也陸乃謁陸時將入京
相相知因請決疑盧曰君今年不可動憂旦夕
作君所居堂後有錢一繩覆以板非君有也錢
主今始三歲君慎勿用一錢用必成禍能從吾
戒乎陸矍然謝之及盧生去水波未定陸笑謂
妻子曰盧生言如是吾更何求乎乃命家童
其地未數尺果遇板徹之有巨瓮散錢滿焉
喜其妻以裙運紉草貫之將及一萬兒女忽
頭痛不可忍陸曰豈盧生言將徵乎因奔馬

及且謝違戒盧生怒曰君用之必禍骨肉骨肉與利輕重君自度也棹舟去之不顧陸馳歸離而瘞焉兒女豁愈矣盧生到復州又常與數人閑行途遇六七人盛服俱帶酒氣逆鼻盧生怒叱之曰汝等所爲不悛性命無幾其人悉羅拜塵中曰不敢不敢其侶訝之盧曰此輩盡劫江賊也其異如此趙元和言盧生狀貌老少不常亦不常見其飲食嘗語趙生曰世間刺客隱形者不少道者得隱形術能不試二十年可易形名曰脫離後二十年名籍於地仙又言刺客之死屍亦不見所論多奇怪蓋神仙之流也

長慶初山人楊隱之在郴州常尋訪道者有唐居士土人謂百歲人楊謁之因留楊止宿及夜呼其女曰可將一下弦月子來其女遂帖月於壁上如片紙耳唐卽起祝之曰今夕有客可賜光明言訖一室朗若張燭

南中有百姓行路遇風雨與一老人同庇樹陰其人偏坐敬讓之雨止老人遺其丹三九言有急

事卽服歲餘妻暴病卒數日方憶老人丹事乃
 毀齒灌之微有煖氣顏色如生今死已四年矣
 狀如沉醉爪甲亦長其人至今與以相隨說者
 於四明見之矣

酉陽雜俎卷第二

酉陽雜俎卷第三

貝編

釋門三界二十八天四洲至華藏世界八寒八熱
 地獄等法自三身五位四果七支至十八界三
 十七道品等入釋者率能言之今不復具錄其
 事尤異者
 鬘持天十佳處十六分中輪王樂不及其二
 四種樂一無怨二隨念及天女不念餘天等身香
 百由旬迦留波陁天此由象跡有十地也

目不曠衆蜂出妙音 六天香風皆入此天 四

天王十地彩地 質多羅地八林 篋篋天十

地金流河 無影山 有影遊 隨一曰 烏隨 日一

衆 其行處池同其色 衆鳥說偈白身天 身

色如拘勿頭花 無足柔栗 隨足上下 樂

遊戲天 乘鵝殿 寶樹枝葉如殿 三十三

天九十九那由天女 憶念樹物隨意而出

十花池 千柱殿 六時林一日具六時

千輻輪殿天妃舍支 女一曰 所坐也 衣無經緯

將死者塵着身 馬殿千鵝駕 金剛縷帶

行林隨天所至 衆鳥金臆 大象百頭頭有

十牙牙端有百浴池頂有山名曰界莊嚴鼻有

河如闍牟那河水散落世界為霧脇有二園一

名喜林二名樂林象名伊羅婆那光明林四維

有意樹帝釋將與脩羅戰入此林四樹間自見

勝敗之相甲冑林甲冑從樹而生不可破壞

蓮出摩偷美飲也修一千二百善業者生此天

上妙之觸如觸迦旃隣提鳥此鳥輪王出世方

見開合林開目常見光明夜摩天住虛空

開婆風所持也積崖山高三百由旬有七榻

七箱始生天者五相一光覆身而無衣二見

物生希有心三弱顏四疑五怖

又五木一近蓮池花不開

一無不字

二近林蜂

一曰離絳

樹三聽天女歌而出狀離四近樹花萎五殿不

行空

又見身光衣觸如金剛及照毗琉璃鏡不見其道

天女九退相一皮緩二頭花散落三赤花_{在道}

為黃四風吹無縷衣如人依觸五飛_三意倦六

觸水而濁七取樹花高不可及八見天子無媚

九髮散麤澀又脣動不止瓔珞花鬘皆重十

二種離垢布施生此天辯鳥青影覆萬由旬

摩尼珠中有金字偈四天王天有十二失壞

常與脩羅戰鬪等三十三天八種失壞有劣

天不為帝釋所識等夜摩天六失壞食劣生

慚等兜率陀天四失壞不樂鵝王說法聲等

化樂天四失壞天業將盡其足無影等他

化白在天四失壞寶翅蜂捨去等

色界天下石經十萬八千三百八十二年方至地

閻浮提人生三肘半至四肘骨四一曰十五脉十

三身蟲有毛燈熈血 禪都摩蟲流行血中

善色蟲處糞中令人安樂 起根蟲飽則喜

歡喜口蟲能見眾夢又有癩瘡等 賒婆羅

人穿脣 駝面目有諸人二足師子有翼女人

狗面有林名岐多迦羅刹所佳駒目鬪行百千

由旬洲有赤地黑玉銅康白等 鬱單越雞多

迦等天河七十 自在無畏四天王否如鴨音

林 麒麟陁樹 迦岐多那等 二十五鹿名

有山多牛頭旃檀天人與阿脩羅鬪傷者於此

淫香提羅迦樹花見日光即開 拘尼陁樹花

見月光即開 無憂樹女人觸之花方開 尸

利沙樹足蹈即長 又白龍活鵝旋鼻境界等

花瞿陁尼女人主乳有十億聚落一萬二城大

國 多伽多支五大河月力等弗婆提 三大

林峪崙等 三一作大城大者三億五十萬三

千五百五十六聚落 南洲耳髮莊嚴 北洲

眼莊嚴 西洲頂腹莊嚴 東洲肩胛莊嚴

生贍部者見白氎生鬱林越見赤氎見母如鴉

生瞿陀夷生黃屋見母如牛生弗婆提見青氎

見母如馬阿脩羅以鬼攝魔及鬼有神通者二

畜攝在海地下八萬四千有由旬 酒樹 又

有樹群蜂流蜜其色如金 婆羅婆樹 其實如

窠

四姪女如影等各有一二億那由他侍女 詞五千

歲地名月鬚 不見頂山十三處鹿迷蜂旋

赤目魚正走水行住空主山窟 愛池魚口等

黃鬚林

鎗毗羅城 戰時手足斷而更生半身及道即死

鬼怪閻浮提下五百由旬有三十六種魔羅令

鬚鬼此言鬼子魔遮叱迦烏唯得食魚捨鵝鬼

受此身

畜生有三十四 六 億種 龍住閻浮提者五十

七億龍於瞿陀尼不降濁水西洲人食濁水則

天單越人惡冷風龍不發冷弗婆提洲不作雷
 聲不起雷光東洲惡也其雷聲兜率天作歌唄
 音閻浮提作海潮音其雨兜率天上雨摩尼護
 世城雨美膳海中注雨不絕如連輪阿脩羅中
 雨兵仗閻浮提中雨清淨水地獄一百三十六
 三角生死善無記也 團生死諸天也

青出死地獄 黃出死餓鬼 赤業一曰畜生活

地獄十六別處下天五千年此獄一晝夜金剛
 蟲瓮熱黃藍花心彌泥魚 排筒

黑繩地獄 旃荼一曰劇 畏鷲處合地獄上中

下笞銅汁河中身 洋如蘇鷲腹火入 割割

處堅鞞一曰炎口夜干一曰朱誅蟲 鐵蟻

淚火處以佉陀羅灰致眼中鑄池龜

號叫地獄 髮流火處 火末蟲處四百四痛火

厚二百肘 大號叫地獄 闊廣三居餘口生

確蟲火鬚一曰處金舒迦色肉泥色也 赤樹

魚腹苦

焦熱地獄 十二炎處 火生十方及饑渴穴也

針風生龍口中彌泥魚 鑊量五十由旬沸

沫高半由旬 吹下三十六億由旬鬚髮烏處

地盆蟲置之鼓牛鼓出惡聲 千頭龍 阿鼻

十六別劇衣裳健破澆而速垢將生阿鼻之相

死時見身如八歲兒面在下空中風吹三千

年受苦勝如阿迦尼吒天樂獄中氤氣能壞欲

界六天有出沒之二山遮之烏口處黑肚處一

角二角處

入寒地獄多與常說同 凡生地獄有三種形罪

輕作人形其次 形極苦無形如肉軒肉屏等

今佛寺中畫地 變唯隔子獄稍如經說其苦

具悉圖人間者 口無一據 舊說地獄中陰牛

頭阿傍無情業 所感現人漸死時足後最冷出

地獄之相也器 世將壞無生地獄者 阿脩羅

有一切觀見池 戰之勝敗悉見池中鬘持天鏡

林中天人自見 皆惡因緣正行天頗梨樹見人

行法與非法毗 留博天常於此觀之切利天及

人中七生事見 於殿壁中無法第八生波利邪

多天有波利邪多樹見閻浮提人善不善相行
 善則照百由旬行不善則彫枯半行善則半榮
 微細行天寶樹枝葉悉見天人影像上中下業
 亦見其中閻摩那婆羅天娑羅樹中見果報其
 殿淨如鏡悉見天人所作之善果報又第二樹
 中有千柱殿有業網諸地獄十六隔劇悉見其
 中夜摩天撫指鏡池池中見自身額上所見過
 見業果又閻浮那施捨影中見欲界罪福及三
 惡趣言天象異者若有將食肥膩沉水鳥下飛
 日將蝕諸方赤

二十八宿

昂

一角

為首一夜行三十

一有六字

時形

如剃刀姓鞞耶尼祭用乳屬火畢形如笠又
 屬木祭用鹿肉祭頗羅墮背屬日一無日字月之
 子姓毗梨佉耶尼形如鹿頭祭用菓參屬日
 天姓婆斯締形如婦人鬘祭用醍醐井屬日
 姓同參形如足跡祭用粳米和蜜鬼屬木姓
 炮波羅毗形如佛胷祭同井柳屬蛇姓祭與
 參同形如虵星屬火形如河岸姓賓伽耶尼

祭用烏麻 張屬福德天姓瞿曇彌形祭如井

翼屬林天姓憍陳如祭用黑豆形同上 軫

屬毗沙梨帝形如人手姓迦遮延祭用莠稗

角屬喜樂天姓質多羅形如上祭用花 亢姓

迦旃延祭用菘豆 氏姓多羅尼以花祭 房

屬慈天姓阿訖婆形如瓔珞祭用酒肉 心屬

切利天姓迦羅延形如大麥祭用粳米 尾屬

臘師天姓遮耶尼形如蝎尾祭用菓根 箕屬

清淨天姓持迦形如牛角 斗姓莫迦邏形

如人拓石祭如井 牛屬梵天姓梵嵐摩形如

牛頭祭如參 女屬毗紐天姓帝利迦遮耶尼

形如心祭以鳥肉 虛姓同翼形如鳥祭用鳥

豆汁 危姓單羅尼形如參 祭以粳米

室屬蛇頭天蝎天之子姓閻浮都迦祭用血

壁姓隨難闍 奎姓阿瑟吒祭用酪 婁屬乾

闍婆天姓阿舍婆形如馬頭祭用大麥 胃姓

馱伽毗形如鼎足亢虛參胃四星不得入陣

軫宿生人七步無虵 角宿生人好嘲戲 女

宿生人亢參危三宿日作事不成虛角

一有事字勝

一千六百剎那為一迦那倍六十名橫呼律多倍

三十日為一日夜夜又曰煙為慧

龍王身光曰憂流迦此言天狗

魏明帝始造白馬寺寺中懸幡影入內帝怪問左

右曰佛有何神人敬事之

烏仗那國有佛跡隨人身福壽量有長短

那揭羅曷國城東塔中有佛頂骨周二尺欲知善

惡者以香塗印骨其迹煥然善惡相悉見

北天隄馱羅國有大窣堵波佛懸記七燒七立佛

方城玄奘言城壞已三年

西域佛金剛座有標界銅觀自在像兩軀國人相

傳菩薩身沒佛法亦盡隋末已沒過胸臆矣

乾陀國頭河岸有繫白象樹花葉似棗季冬方熟

相傳此樹滅佛法亦滅

北朝時徐州角成縣之北僧尼着白布法服時有

青布袈裟者

波斯屬國有阿耨茶國城北大林中有伽藍音佛

於此聽比丘著函縛疑函縛此言靴也
寧王憲寢疾上命中使送醫藥相望於道僧崇一
療憲稍瘳上悅特賜崇一緋袍魚袋
梁簡文帝有謝賜鬱泥納袈裟表

魏使陸操至梁梁王坐小輿使再拜遣中書舍人
殷灵宣旨勞問至重雲殿引昇殿梁主着菩薩
衣北面太子已下皆菩薩衣侍衛如法操西向
以次立其人悉西南東面一道人替禮佛詞凡
有三卷其贊第三卷中稱為魏主魏相高并南

北二境士女禮佛訖臺使其群臣俱再拜矣

魏李騫崔劼至梁同泰寺主客王克舍人賀季友
及三僧迎門引接至浮圖中佛傍有執板筆者
僧謂騫曰此是尸頭專記人罪騫曰便是僧之
董狐復入二堂佛前有銅鉢中燃燈劼曰可謂
日月出矣燭火不息盧縣東有金榆山昔朗法
師令弟子至此採榆莢詣瑕丘市易皆化爲金
錢

後魏胡后嘗問沙門一曰法師寶誌國祚且言把棗與

雞喚朱朱蓋爾朱也

有趙法和請占誌公曰大箭不須羽東箱屋急手作法相尋喪父

歷城縣光政寺有磬石形如半月賦光若滴扣之聲及百里北齊時移於都內使人擊之其聲杳絕却令歸本寺扣之聲如故士人語曰磬神聖戀光政

國初僧玄奘往五印取經西域敬之成式見倭國僧金剛三昧言嘗至中天寺中多畫玄奘麻屨及匙筯以絲雲乘之蓋西域所無者每至齋日輒膜拜焉

又言那蘭陀寺僧食堂中熱際有巨蠅數萬至僧上堂時悉自飛集于庭樹僧萬迴年二十餘貌癡不語其兄成遠陽久絕音問或傳其死其家爲作齋萬迴忽卷餅茹大言曰兄在我將饋之出門如飛馬馳不及及暮而還得其兄書緘封猶濕計往返一日萬里因號焉

天后任酷吏羅織位稍隆者日別妻子博陵王崔
玄暉位望俱極其母憂之曰汝可一迎萬迴此
僧寶誌之流可以觀其舉止禍福也及至母垂
泣作禮兼施銀匙筋一雙萬迴忽下皆擲其匙
筋於堂屋上掉臂而去一家謂爲不祥一日令
上屋取之匙筋下得書一卷觀之乃識諱書也
遠令焚之數日有司忽卽其家大索圖識不獲
得雪時酷吏多令盜夜埋蠱遺識於人家經月
乃密籍之博陵微萬迴則滅族矣

梵僧不空得總持門能役百神玄宗敬之歲常旱
上令祈雨不空言可過某日令祈之必暴雨上
乃令金剛三藏設壇請雨連日暴雨不止坊市
有漂溺者遽召不空令止之不空遂於寺庭中
捏泥龍五六當溜水作胡言罵之良久復置之
乃大笑有頃雨霽

玄宗又嘗召術士羅公遠與不空同祈雨互授功
力上俱召問之不空曰臣昨焚白檀香龍上令
左右掬庭水嗅之果有檀香氣又與羅公遠同

在便殿羅時反手搔背不空曰借尊師如意殿
上花石瑩滑遂激擊一曰窅至其前羅再三取之
不得上欲取之不空曰三郎勿起此影耳因舉
手示羅如意

又卽山有大蛇樵者常見頭若丘陵夜常承露氣
見不空人語曰弟子惡報和尚何以見度常欲
翻河水陷洛陽城以快所居也不空爲受戒說
苦空且曰汝以瞋心受此苦復忿恨吾力何及
當思吾言此身自捨昔而來後旬月樵者見蛇
死於澗中是達數十里不空每祈雨無他軌則
但設數繡座手簸旋數寸水神念呪擲之自立
於座上伺水神吻角牙出目曠則雨至

僧一行竅數有異術開元中嘗旱玄宗令祈雨一
行言當得一器上有龍狀者方可致雨上令於
內庫中遍視之皆言不類數日後指一古鏡鼻
盤龍喜曰此有真龍矣乃持入道場一夕而雨
荊州貞元初有狂僧善歌河滿子嘗遇醉伍百塗
辱之令歌僧卽發聲其詞皆伍百從前非慝也

五百驚而自悔

蘇州貞元中有義師狀如風狂有百姓起店十餘
間義師忽運斤壞其簷禁之不止其人素知其
神禮曰弟子活計賴此顧曰爾惜乎乃擲斤於
地而去其夜市火唯義師所壞簷屋數間存焉
常止於廢寺殿中無冬夏常積火壞幡木象悉
火之好活燒鯉魚不待熟而食垢面不洗洗之
輒雨吳中以為雨候將死飲灰汁數斛乃念佛
而坐不復飲食百姓日觀之坐七日而死時盛
暑色不變支不摧安國寺僧熟地常燒木佛往
往與人語頗知宗要寺僧亦不之測

睿宗初生舍涼殿則天乃於殿內造佛氏有玉像
焉及長閑觀其側玉像忽言爾後當為天子

帝女子澤性妬有從婢散逐四山無所依托東偶
狐狸生子曰殃南交猴有子曰溪北通獲猴所
育爲儉

突厥之先曰射摩舍利海神神在阿史德窟西射
摩有神異又海神女每日暮以白鹿迎射摩入
海至明送出經數十年後部落將大獵至夜中
海神謂射摩曰明日獵時爾上代所生之窟當
有金角白鹿出尔若射中此鹿畢形與吾來往
或射不中卽緣絕矣至明入圍果所生窟中有

金角白鹿起射摩遣其左右固其圍將跳出圍
遂殺之射摩怒遂手斬呵嚨首領仍誓之曰自
殺此之後須人祭天卽取呵嚨部落子孫斬之
以祭也至今突厥以人祭燾常取呵嚨部落用
之射摩卽斬呵嚨至暮還海神女報射摩曰尔
手斬人血氣腥穢因緣絕矣

突厥事祇神無祠廟刻瓊爲形盛於皮袋行動之
處以脂蘇塗之或繫之竿上四時祀之
豎毘部落非狼種其先所生之窟在曲漫山北自

謂上代有神與牯牛交於此窟其人髮黃目綠
赤髭鬚其髭鬚俱黑者漢將李陵及其兵眾之
穴胤也西屠俗染齒令黑為汙汙益飲文登百神
獠在牯牯其婦人七月生子死則堅棺埋之

木耳夷舊牢西以鹿角為器其死則屈而燒之埋
其骨後小骨類人黑如漆小寒則培沙自處但
出其面

木飲州珠崖一州其地無泉民不作井皆仰樹汁
為用

木僕尾若龜長數寸居木上食人

阿薩部多獵蟲鹿剖其肉重疊之以石壓瀝汁

稅波斯拂林等國米及草子釀於肉汁之中經數

日即變成酒飲之可醉

孝億國界周三千餘里在平川中以木為柵周十
餘里柵內百姓二千餘家周國大柵五百餘所
氣候常煖冬不凋落宜牟馬無駝牛俗性質直
好客侶軀貌長大齶鼻黃髮綠眼赤髭被髮面
如血色戰具唯稍一色宜五穀出金鐵衣麻布

舉俗事妖不識佛法有妖祠三百一曰餘所馬步甲兵一萬不尚商販自稱孝億人丈夫婦人俱帶每一日造食一月食之常喫宿食

仍建國無井及河澗所有種植待雨而生以紫礦泥地承雨水用之穿井卽若海水又鹹土俗潮落之後平地爲池取魚以作食

婆彌爛國去京師二萬五千五百五十里此國西有山巉巖峻嶮上多猿猿形絕長大常暴雨年有二十三十萬國中起春以後屯集甲兵與猿戰雖歲殺數萬不能盡其巢穴

撥拔力國在西南海中不食五穀食肉而已常針牛畜豚取血和乳生食無衣服唯腰下用羊皮掩之其婦人潔白端正國人自掠賣與外國商人其價數倍土地唯有象牙及阿末香波斯商人欲入此國團集數千人齎練布沒老幼共刺血立誓乃市其物自古不屬外國戰用象牙排野牛角爲稍衣甲弓矢之器步兵二十萬大食頻討襲之

昆吾國累塹爲丘象浮屠有三層屍乾居上屍濕
居下以近葬爲至孝集大氊居中懸衣服綵繒
哭祀之 龜茲國元日鬪牛馬馳爲戲七日觀
勝負以占一年羊馬減耗繁息也 婆羅遮並
服狗頭猴面男女無晝夜歌舞八月十五日行
像及透索爲戲 焉耆國元日二月八日婆摩
遮三日野祀 四月十五日遊林 五月五日
彌勒下生 七月七日祀先祖 九月九日牀
撒 十月十日王爲狀法王出首領家首領騎
王馬一日一夜處分王事 十月十四日作樂

至歲窮

拔汗那十二月十九日王及首領分爲兩朋各出
一人着甲衆人執瓦石東西捧杖東西互擊甲
人先死卽止以占當年豐儉

蘇都識匿國有夜叉城城舊有野叉其窟見在人
近窟住者五百餘家窟口作舍設關籥一年再
祭人有逼窟口煙氣出先觸者死因以尸擲窟
口其窟不知深淺

馬伏波有餘兵十家不返居壽洽縣自相婚姻有
二百戶以其流寓號馬留衣食與華同山川移
易銅柱入海以此民爲識耳亦曰馬留

峽中俗夷風不改武寧戀好着芒心接離名曰芋
綏嘗以稻記年月葬時以笄向天謂之刺北斗
相傳盤瓠初死置於樹以笄刺其下其後爲象
臨

臨邑縣有鴈翅泊泊旁無樹木土人至春夏常於
此澤羅鴈鳥取其翅以禦暑

烏耗西有懸渡國山溪不通引繩而渡朽索相引
二千里其土人佃于石間壘石爲室接手而飲
所謂猿飲也

鄯鄯之東龍城之西南地廣十里皆爲鹽田行人
所經牛馬皆布羶臥焉

嶺南溪洞中往往有飛頭者故有飛頭獠子之號
頭將飛一日前頸有痕匝項如紅縷妻子遂看
守之其人及夜狀如病頭忽生翼脫身而去乃
於岸泥尋蟹蚓之類食將曉飛還如夢覺其腹

實矣

梵僧菩薩勝又言閩婆國中有飛頭者其入目無

瞳子聚落時有一人據于氏志怪南方落民其

頭能飛其俗所祠名曰蟲落因號落民

晉朱桓有一婢其頭夜飛

壬子年拾遺言漢武時因墀國使南方有解形之

民能先使頭飛南海左手飛東海右手飛西澤

至暮頭還肩上兩手遇疾風飄於海水外

近有海客往新羅吹至一島上滿山悉是黑漆匙

筋其處多大木客仰窺匙筋乃木之花與鬚也

因拾百餘雙還用之肥不能使後偶取攪茶隨

攪而消焉

喜兆

集賢張希復學士嘗言李揆相公將拜相前一月

日將夕有蝦蟇大如牀見於寢堂中俄失所在

又言初授新州將拜相井忽漲才深餘尺

鄭網相公宅在招國坊南門忽有物投瓦礫五六

夜不絕乃移於安仁西門宅避之瓦礫又隨而

至經久復歸招國鄭公歸心釋門禪室方丈及歸將入丈室蟾子滿室懸絲去地一二尺不知其數其夕瓦礫亦絕翌日拜相

成式見大理丞鄭復說淮西用兵時劉沔為小將

軍頭頗易一日之每捉生踏伏沔必在數前後

重創將死數四後因月黑風甚又令沔捉生沔

憤激深入意必死行十餘里因坐將睡忽有人

覺之授以雙燭曰君方大貴但心有

憂也沔後拜將常見燭影在雙旌上

燭乃詐疾歸宗

禍兆

楊慎矜兄弟富貴常不自安每詰旦三像默祈

冥衛或一日像前土榻上聚塵三堆如塚狀慎

矜惡之且慮兒戲命掃去一夕如初尋而禍作

姜楚公常遊禪定寺京兆辦局甚盛及飲酒座上

一妓絕色獻盃整鬟未嘗見手眾恠之有客被

酒戲曰勿六指乎乃強牽視妓隨牽而倒乃枯

骸也姜竟及禍焉

蕭幹初至遂州造二幡竿施於寺設齋慶之齋畢
作樂忽暴雷霹靂竿各成數十片至來年當雷
霹日澣死

物革

諮議朱景玄見鮑容說陳司徒在揚州時東市塔
影忽倒老人言海影翻則如此

崔玄亮常侍在洛中常步沙岸得一石子大如雞
卵黑潤可愛翫之行一里餘砉然而破有鳥大
如巧婦飛去

進士段頌常識南孝廉者善斫鱠縠薄絲縷輕可
吹起操刀嚮捷若合節奏因會客術技先起魚
架之忽暴風雨雷震一聲鱸悉化爲胡蝶飛去
南驚懼遂折刀誓不復作

開成末河陽黃魚池冰作花如纈

河陽城南百姓王氏莊有小池池邊巨柳數株開
成末葉落池中旋化爲魚大小如葉食之無味
至冬其家有官事

婺州僧清簡家園蔓菁忽變爲蓮

漢書卷之九十九

至冬其家亦百中

風木葉落以中故引為歲大小收養食之與和

西豐數百枚王丸甚小五出數百枚地則開

雨未雨則有魚出冰水冷亦成冰

防遊野游以管不與和

樂之暴風雨雷震一轉氣悉引為風則飛走

火野耕以濟農者合前奏則會者利其去步風

首陽雜俎卷第四

承氣谷善而無澤者則其地

